

দূরত্ব রেখে কাজ করছেন চা শ্রমিকরা



চা গাছের প্রত্যেকটি সারির মধ্যে দূরত্ব অন্তত ১ মিটার। কিন্তু দুটো সারিতে একজন চা শ্রমিক পাতা তোলায় ২ মিটারের বেশি দূরত্ব থাকছে। চা কারখানাতেও একই দূরত্ব বজায় রাখা হচ্ছে। শ্রমিকদের স্যানিটাইজার, হ্যান্ডওয়াশ বা সাবান দিয়ে হাত ধোয়ার ব্যবস্থা করা হয়েছে।

আলিপুরদুয়ার, ২৫ মার্চ : করোনা মোকাবিলায় সামাজিক দূরত্ব (সোশ্যাল ডিসট্যান্সিং) মেনে কাজ করছেন ডুয়ার্সের একাধিক চা বাগানের শ্রমিকরা। চা পাতা তুলে কারখানায় দেওয়ার সময়ও দূরত্ব বজায় রাখছেন তারা। ইতিমধ্যেই কয়েকটি চা বাগানে স্যানিটাইজার, হ্যান্ডওয়াশ বা সাবান দিয়ে হাত ধোয়ার ব্যবস্থা করা হয়েছে। চা বাগানগুলির এমন উদ্যোগে খুশি আলিপুরদুয়ার জেলা স্বাস্থ্য দপ্তর। তবে কুমারগ্রাম ব্লকের কয়েকটি বাগানে এদিন কাজ হলেও সেখানে দূরত্ব বজায় না রেখেই কাজ হয়েছে বলে অভিযোগ উঠেছে। আলিপুরদুয়ারের ডেপুটি সিএমওএইচ-২ সুবর্ণ গোস্বামী বলেন, করোনা রুখতে চা বাগানগুলির এমন উদ্যোগকে স্বাগত জানাই। পাশাপাশি তারা যাতে আরও বেশি সামাজিক দূরত্ব মেনে ও সরকারি নির্দেশ অনুযায়ী কাজ করেন, তার জন্য আবেদন করা হয়েছে।

আলিপুরদুয়ার জেলায় মোট ৬৪টি চা বাগান রয়েছে। এর মধ্যে বেশিরভাগ বাগানেই চিকিৎসা পরিকাঠামো তেমন ভালো নয়। সব বাগানের হাসপাতালে চিকিৎসকও নেই। তাই চা বাগানের শ্রমিকরা ব্লক হাসপাতালগুলির ওপরই নির্ভরশীল। এই পরিস্থিতিতে চা বাগানের সঙ্গে চিকিৎসা সংক্রান্ত

সব তথ্য আদানপ্রদানের জন্য একজন করে নোডাল অফিসার নিয়োগের কথাও বলেছে জেলা স্বাস্থ্য দপ্তর। বর্তমানে করোনা মোকাবিলায় চা বাগানগুলিকে নিয়ে সম্প্রতি বৈঠক করেন স্বাস্থ্যকর্তারা। এরপরই শ্রমিকদের সুরক্ষার জন্য একাধিক পদক্ষেপ করেছে চা বাগানগুলি।

আগে প্রত্যেকটি চা গাছের সারিতে একজন করে শ্রমিককে পাতা তোলায় কাজে লাগানো হত। কিন্তু সেই প্রথা বদল করে এখন দুটি সারিতে একজন করে চা শ্রমিককে পাতা তোলায় কাজে লাগানো হচ্ছে। এর ফলে চা শ্রমিকদের মধ্যে দূরত্ব বেশি হচ্ছে। চা গাছের প্রত্যেকটি সারির মধ্যে দূরত্ব অন্তত ১ মিটার। কিন্তু দুটো সারিতে একজন চা শ্রমিক পাতা তোলায় ২ মিটারের বেশি দূরত্ব থাকছে। চা কারখানাতেও একই দূরত্ব বজায় রাখা হচ্ছে বলে জানা গিয়েছে।

এই বিষয়ে টি অ্যাসোসিয়েশন অফ ইন্ডিয়া'র ডুয়ার্স শাখার সম্পাদক রামঅবতার শর্মা বলেন, 'সরকারি বাবদার সামাজিক দূরত্ব বজায় রাখার কথা বলছে। এর ফলে প্রত্যেক শ্রমিকের মধ্যে অনেকটা দূরত্ব থাকছে। এছাড়াও সব চা বাগানেই শ্রমিকদের হ্যান্ডওয়াশ দিয়ে হাত ধোয়া সহ বিভিন্ন সচেতনতামূলক ব্যবস্থা নেওয়া হয়েছে।'



শুনসান লাভার রাস্তা। ছবি : বিদেশ বসু

জেলা শাসকের দেখা পেলেন না সাংসদ ও বিধায়ক

আলিপুরদুয়ার, ২৫ মার্চ : জেলার করোনা পরিস্থিতি ও আলিপুরদুয়ার তুয়াড়ার চা শ্রমিকদের বর্তমান সমস্যা নিয়ে আলোচনার জন্য বুধবার জেলা শাসকের দপ্তরে যান সাংসদ জন বারলা, মাদারিহাটের বিধায়ক মনোজ টিগ্গা ও বিজেপির জেলা সভাপতি গঙ্গাপ্রসাদ শর্মা। তাঁদের দাবি, দীর্ঘক্ষণ প্রতীক্ষা করেও দেখা মেলেনি জেলা শাসকের। বসিয়ে রেখে তাঁদের সঙ্গে দেখা না করেই নিজের দপ্তর ছেড়ে চলে যান জেলা শাসক। যদিও জেলা শাসকের বক্তব্য, জরুরি বৈঠক থাকায় তাঁকে যেতে হয়েছে।

এ বিষয়ে সাংসদ জন বারলা বলেন, 'আমরা করোনা মোকাবিলায় জেলা প্রশাসনের সঙ্গে কাঁধ কাঁধ মিলিয়ে কাজ করতে চাইছি। সেজন্যই জেলা শাসকের সঙ্গে এদিন আলোচনা করতে গিয়েছিলাম। কিন্তু উনি আমাদের বসিয়ে রেখে না দেখা করেই চলে যান। বিষয়টি দুঃখজনক। এমন আচরণ আশা করা যায় না।'

যদিও আলিপুরদুয়ারের জেলা শাসক সুরেন্দ্রকুমার মিনা বলেন, 'ফলাফলটাই একটা জরুরি বৈঠকে আমাকে যেতে হয়েছে। সে কারণেই ওনার সঙ্গে কথা বলা সম্ভব হয়নি।'

লক্ষ্মাপাড়ায় হাট বন্ধ করা হল

বীরপাড়া, ২৫ মার্চ : লকডাউনের মধ্যেই বুধবার আলিপুরদুয়ার জেলার লক্ষ্মাপাড়ায় হাট বন্ধ করা হল। ভিডিও হয়েছিল হাটে। জমায়েরে খবর পৌঁছায় গ্রাম পঞ্চায়েত কর্তৃপক্ষের কাছে। তাদের থেকে খবর পেয়ে পুলিশ ও এসএসবি এসে হাট বন্ধ করে দেয়। ততক্ষণে অবশ্য বেলা ১২টা পেরিয়ে গিয়েছে। লক্ষ্মাপাড়া গ্রাম পঞ্চায়েতের উপপ্রধান বিনেশ রাই বলেন, 'মঙ্গলবারও লকডাউন নিয়ে গ্রাম পঞ্চায়েতের তরফে প্রচার করা হয়েছিল। কিন্তু এলাকার বাসিন্দাদের একটা বড় অংশ পরিস্থিতির গুরুত্ব আঁচ করতে পারেননি। বুধবার সকালে হাট বসার খবর শুনে চমকে উঠা। তারপরই এসএসবি ও পুলিশের সঙ্গে যোগাযোগ করা। বীরপাড়া থানার ওসি পালজার ভূটিয়া বলেন, 'হাট বসার খবর পেয়ে পুলিশ তা বন্ধ করে দিয়েছে। বীরপাড়া থেকে প্রায় ১৮ কিমি দূরে ভারত-ভূটান সীমান্তবর্তী লক্ষ্মাপাড়ায় প্রতি বুধবার হাট বসে। এদিনও লকডাউনের মধ্যে হাট বসেছিল। লকডাউনের মধ্যে কোথাও জমায়েরে ক্ষেত্রে নিষেধাজ্ঞা রয়েছে। লক্ষ্মাপাড়া গ্রাম পঞ্চায়েত সূত্রে জানানো হয়েছে, এদিন ফের লকডাউন সফল করার স্থানীয় বাসিন্দাদের কাছে আবেদন জানানো হয়েছে। গ্রাম পঞ্চায়েতের উপপ্রধান বিনেশ রাই বলেন, 'কত দ্রুত ও কীভাবে এই ভাইরাসে কেউ সংক্রমিত হতে পারে, সে সম্পর্কে সাধারণ মানুষ বুঝতে চাইছেন না। তবে আমরা ঘরে থেকেই সাধারণ মানুষের সঙ্গে যোগাযোগ রাখছি। তাঁদের বোঝানো হচ্ছে লকডাউনের প্রয়োজনীয়তার কথা। বীরপাড়া থানা ওসি পালজার ভূটিয়া জানান, তাঁরা চারিদিকে নজর রাখছেন।'



বুধবার লক্ষ্মাপাড়ায় সাপ্তাহিক হাটে ভিডি। ছবি : মোস্তাক মোরশেদ হোসেন

শুঁড়ে তুলে যুবককে মাটিতে ফেলল হাতি

মাদারিহাট, ২৫ মার্চ : হাতির আক্রমণে গুরুতর জখম হলেন এক যুবক। বুধবার বিকাল ৪ টে নাগাদ মধ্য মাদারিহাটে এই ঘটনা ঘটে। আহত যুবকের নাম বিমল কর্মকার (৩৬)। তাঁকে প্রথমে মাদারিহাট গ্রামীণ হাসপাতালে আনা হয়। প্রাথমিক চিকিৎসার পর তাঁকে আলিপুরদুয়ার জেলা হাসপাতালে রেফার করা হয়েছে। চিকিৎসক জানিয়েছেন, ওই ব্যক্তির বুকে ও মাড়ে চোট রয়েছে। বুধবার বিকালে উত্তর খয়েরবাড়ি জঙ্গলের ধারে জয়ন্তী চা বাগানের পাশ থেকে গোক আনতে গিয়েছিলেন বিমল কর্মকার। সেই সময় হঠাৎ একটি দাঁতাল জঙ্গল থেকে বেরিয়ে বিমলবাবুকে ধরে ফেলে। শুঁড়ে তুলে মাটিতে ফেলে দেয়। এরপর জ্ঞান হারিয়ে ফেলেন বিমলবাবু। তাঁর পরিবারের সদস্যরা খবর পেয়ে তাঁকে হাসপাতালে নিয়ে যান। আহতের ভাই জয়প্রকাশ কর্মকার জানান, দাদাকে হাতি মেরেছে খবর শুনে ঘটনাস্থলে যাই। এরপর অচৈতন্য অবস্থায় উদ্ধার করে মাদারিহাট গ্রামীণ হাসপাতালে নিয়ে আসি। মাদারিহাটের রেঞ্জার রামিজ রজার জানান, ওই ব্যক্তিকে হাতিটি জঙ্গলের ভিতর না বাইরে হামলা করেছে, তা তদন্ত করে দেখা হচ্ছে। জঙ্গলের ভিতরে ঘটনাস্থল হলে কোনও সাহায্য পাবেন না। আর বাইরে হলে চিকিৎসার সমস্ত খরচ তারা বহন করবেন।



লাটাগুড়িতে চক দিয়ে লক্ষ্মণেরখা টেনে দেওয়া হয়েছে। ছবি : শুভদীপ শর্মা

করোনা সংক্রমণ এড়াতে লক্ষ্মণেরখা টানল পুলিশ

লাটাগুড়ি, ২৫ মার্চ : করোনা ভাইরাস সংক্রমণ মোকাবিলায় দেশজুড়ে লকডাউন। জরুরি প্রয়োজন ছাড়া বাড়ি থেকে বেরোতে নিষেধ করা হয়েছে। বাবেরঘরেই বলা হয়েছে 'সামাজিক দূরত্ব' তৈরি করতে। ছাড় রয়েছে জরুরি পরিষেবা। শাকসবজি, মাছ-মাংস, মুদির দোকান সহ অত্যাবশ্যকীয় পণ্যসামগ্রীর ক্ষেত্রেও রয়েছে ছাড়। দোকানপাট খোলা। বাজারে তাই উপচে পড়া ভিডি। সেই সময় যাতে সামাজিক দূরত্ব বজায় থাকে, সে বিষয়ে এবার উদ্যোগী হল পুলিশ-প্রশাসন। ক্রেতাদের মধ্যে কম করে তিন ফুটের দূরত্ব রাখতে চক দিয়ে রাস্তার উপরেই বৃত্ত এঁকে লক্ষ্মণেরখা টেনে দেওয়া হচ্ছে। পুলিশের এই উদ্যোগকে সাধুবাদ বিভিন্ন মহলের। পুলিশের পাশাপাশি মৌলানির বিভিন্ন রায়শন দোকানের তরফেও একই পন্থা নেওয়া হয়েছে।

মঙ্গলবার রাতে সারা দেশজুড়ে লকডাউন ঘোষণার পরে বুধবার সকাল থেকেই রসদ সংগ্রহের জন্য মাল ব্লকের বিভিন্ন প্রান্ত সহ লাটাগুড়ি, মৌলানি, ক্রান্তি, চাপাডাঙ্গার বিভিন্ন হাটবাজারে উপচে পড়ে স্থানীয়দের ভিডি। প্রথমে ভিডি ঠেকাতে কটোর হতে ব্যবস্থা নেয় স্থানীয় পুলিশ প্রশাসন। এদিন বিকালে প্রথমে লাটাগুড়ি বাজারে বিভিন্ন ওষুধের দোকানে ওষুধ সংগ্রহকারীদের ভিডি কমাতে দোকানে

জমায়েরকারীদের চক দিয়ে তিন ফুট অন্তর 'লক্ষ্মণেরখা' টেনে দেওয়া হয়। একইভাবে ব্লকের বিভিন্ন প্রান্তের বিভিন্ন দোকানে সাধারণ ক্রেতাদের মধ্যে দূরত্ব তৈরি করে দেওয়ার জন্য গণ্ডি কেটে দেওয়া হয় পুলিশের তরফে। ক্রান্তি ফাঁড়ির ওসি দিলীপ সরকার জানান, বাজার-ঘাটে অথবা ভিডি দেখলে উপযুক্ত ব্যবস্থা নেওয়া হচ্ছে। পাশাপাশি বিভিন্ন অত্যাবশ্যকীয় পণ্যের দোকানে ভিডি এড়াতে এই গণ্ডি করে দেওয়া হয়েছে। নজরদারিও চালানো হচ্ছে। একইভাবে মৌলানির দুটি রায়শন দোকানে 'লক্ষ্মণেরখা' টেনে ক্রেতাদের মধ্যে দূরত্ব তৈরি করা হয়েছে। মৌলানি গ্রাম পঞ্চায়েত প্রধান খুকুমণি রায় বর্মণ ও লাটাগুড়ি গ্রাম পঞ্চায়েত প্রধান জগবন্ধু সেন জানান, প্রশাসনের এই উদ্যোগ করোনা ঠেকাতে উপযোগী হবে। তবে সর্বত্র এখন হচ্ছে না। এখনও খাবার মজুত করার হিড়িক দেখা যাচ্ছে মুদি থেকে ওষুধের দোকানে। কাঁচা সবজি কিনতেও ভিডি হচ্ছে বাজারগুলিতে। চিকিৎসকরা তো বাটেই প্রশাসনের সর্বোচ্চস্তর থেকেও করোনা ভাইরাসের মোকাবিলায় ভিডি এড়ানোর পরামর্শ দেওয়া হচ্ছে। কিন্তু লকডাউন থাকা অবস্থাতেই যেভাবে জনতার একাংশ নিয়মের ভোগাচ্চা করছেন না, তাতে বিপদের আশঙ্কা তৈরি হচ্ছে।

গাড়ির ব্যবস্থা নেই স্বাস্থ্যকেন্দ্রে পৌঁছাতে সমস্যায় স্বাস্থ্যকর্মীরা

মাদারিহাট ও শামুকতলা, ২৫ মার্চ : গাড়ি নেই। বিভিন্ন স্বাস্থ্যকেন্দ্রে পৌঁছাতে সমস্যা পড়ছেন স্বাস্থ্যকর্মীরা। মাদারিহাট ব্লকে ৩৭টি উপস্বাস্থ্যকেন্দ্র রয়েছে। ওই স্বাস্থ্যকেন্দ্রগুলিতে এএনএম, সেকেন্ড এএনএম, এমপিডব্লিউ, সিএইচও এবং আশাকর্মীরা রয়েছেন। করোনা ভাইরাসের আতঙ্কে সমস্তরকম যাত্রী পরিবহনের গাড়ি বন্ধ হয়ে গিয়েছে। ফলে চরম বিপাকে পড়ছেন ওইসব স্বাস্থ্যকর্মী। তারা নিজেরদের কেন্দ্রে পৌঁছাতে গাড়ি ভাড়া করতে বাধ্য হচ্ছেন। অনেক চালক আবার যেতেও চাইছেন না। নাম প্রকাশে অনিচ্ছুক এক স্বাস্থ্যকর্মী বলেন, 'মুজনাহ, কালাপানি, রামঝোরা, লক্ষ্মাপাড়া, হাটপাড়া, ধুমতিপাড়া ও মাকড়াপাড়া চা বাগানের মতো প্রত্যন্ত অঞ্চলে আমাদের যেতে হচ্ছে। এমনিতেই এইসব এলাকায় সারাদিনে দু'তিমি গাড়ি চলত। সবই বন্ধ। এখন গাড়ি ভাড়া করে যেতে হচ্ছে। অনেক গাড়িচালক আবার যেতেও চাইছেন না। খুবই সমস্যায় পড়েছি আমরা।'

চা বাগানগুলিতে ভিন্নরাজ্য থেকে প্রচুর মানুষ ফিরে আসছেন। তারা করোনা পরীক্ষা করতে এইসব স্বাস্থ্যকেন্দ্রে আসছেন। অথচ তাঁদের নিজেরই যাতায়াতের কোনও ব্যবস্থা নেই বলে স্বাস্থ্যকর্মীদের দাবি। মাদারিহাট ব্লক মুখা স্বাস্থ্য আধিকারিক ডাঃ দেবজ্যোতি চক্রবর্তী জানান, তাঁর নিজেরই যাতায়াতের গাড়ি নিয়ে সমস্যা রয়েছে। অন্যদের জন্য ব্যবস্থা করা সম্ভব নয়। তবে আরও মাল্ধ ও স্যানিটাইজার দেওয়া হচ্ছে।

আলিপুরদুয়ার-২ ব্লকের অভাবে বিভিন্ন স্বাস্থ্যকর্মী সমস্যায় পড়ছেন। তাঁদের বিভিন্ন স্বাস্থ্যকেন্দ্রে পৌঁছাতে সমস্যা হচ্ছে। ব্লক থেকেও কোনও গাড়ির ব্যবস্থা করা হয়নি। সবচেয়ে বেশি সমস্যায় পড়ছেন মহিলা স্বাস্থ্যকর্মীরা। প্রান্তিক মহিলা স্বাস্থ্যকর্মীরা ব্লক থেকে তাঁদের স্বাস্থ্যকেন্দ্রে পৌঁছে দেওয়ার জন্যে গাড়ির ব্যবস্থা করার দাবি করেন। এই এলাকায় রয়েছে বেশ কয়েকটি চা বাগান। অধিকাংশ মানুষ করোনা নিয়ে সচেতন নন। এলাকার মানুষবা বেশিরভাগই নির্ভর করে থাকেন ব্লকের বিভিন্ন বহুমুখী উপস্বাস্থ্যকেন্দ্রের উপর। বহুমুখী উপস্বাস্থ্যকেন্দ্রের অধিকাংশ কর্মীই মহিলা। তাঁদের যাতায়াতের জন্য কোনও গাড়ির ব্যবস্থা নেই। যার ফলে সমস্যায় পড়তে হচ্ছে। পায়েকোটা স্বাস্থ্যকেন্দ্রের সিনিয়র এএনএম কর্মী কৃষ্ণা মজুমদার অভিযোগ করেন, রাস্তায় অটো, টোটো কিছুই চলছে না। প্রশাসনের তরফ থেকে কোনও গাড়ির ব্যবস্থা নেই, বিএমওএইচ বলেছিলেন আজ গাড়ির ব্যবস্থা করবেন সেটাও করেননি। খুব অসুবিধার মধ্যে আজ কর্মকেন্দ্রের যাত্রীরাও গাড়ি ভাড়া করতে বাধ্য হচ্ছে। একই বক্তব্য ওই কেন্দ্রের সিএইচও বনি রয়ের। তিনি বলেন, 'আমি প্রায় ২০ কিমি দূর থেকে আসি। গাড়ির ব্যবস্থা করলে খুব ভালো হয়।' এই বিষয়ে আলিপুরদুয়ার-২ ব্লকের বিএমওএইচ ডাঃ শফিকুল আলম মল্লিক বলেন, 'সকল স্বাস্থ্যকর্মীর জন্যেই গাড়ির ব্যবস্থা ছিল। তবু অনেকে ব্যক্তিগত গাড়ি নিয়ে এসেছেন।'

বিক্রয় কর/ভ্যাট/সিএসটি/এন্ট্রি ট্যাক্স

বিবাদ নিষ্পত্তি, ২০২০

বকেয়া মেটানোর সুবর্ণ সুযোগ

এখন সময় বাড়লো

৩০

জুন/২০২০ পর্যন্ত

বিক্রয় কর/ভ্যাট/সিএসটি

- ৩০.০৬.২০২০-র মধ্যে বকেয়া করের মাত্র ২৫ শতাংশ প্রদান করে বিবাদ নিষ্পত্তি করুন
- ফর্ম বা সার্টিফিকেট সংক্রান্ত বকেয়া করের ক্ষেত্রে ৩০.০৬.২০২০-র মধ্যে মাত্র ২৫ শতাংশ প্রদান করে বিবাদ নিষ্পত্তি করুন
- বকেয়া সুদ, জরিমানা ও লেট ফি থেকে সম্পূর্ণ অব্যাহতি পান
- কর ফাঁকিজনিত জরিমানার উপর ৩০.০৬.২০২০-র মধ্যে মাত্র ১০ শতাংশ প্রদান করুন এবং ৯০ শতাংশ অব্যাহতি পান

এন্ট্রি ট্যাক্স

- বকেয়া এন্ট্রি ট্যাক্স ৩০.০৬.২০২০-র মধ্যে জমা করুন এবং সুদ, লেট ফি ও জরিমানা থেকে সম্পূর্ণ অব্যাহতি পান

অতিরিক্ত তথ্যের জন্য ওয়েবসাইট দেখুন: <http://www.wbcomtax.gov.in>

অর্থ দপ্তর, পশ্চিমবঙ্গ সরকার